

**Atvinnumál Stefna  
fyrir  
Vestur-  
Barðastrandarsýslu  
2007-2011**

**Tillögur atvinnumálanefnda  
sveitarfélaganna**

**Samstarfsverkefni  
Vesturbyggðar og  
Tálknafjarðarhrepps**

**Samþykkt í báðum sveitarfélögum 2004  
Uppfærð veturinn 2006/2007**

# 1. Helstu niðurstöður:

## Almennt um atvinnumál:

Atvinnumálanefndir Vesturbyggðar og Tálknafjarðarhrepps eru sammála um nauðsyn skýrt skilgreindrar atvinnumálastefnu til að fjölga íbúum og atvinnutækifærum í sýslunni. Ímynd sýslunnar þarf að skilgreina og kynna vel, bæði innan og utan svæðisins sem hluta af heilsteyptri stefnu sem íbúar og fyrirtæki eru sammála um. Mörg tækifæri eru til uppbyggingar atvinnulífsins í Vestur-Barðastrandarsýslu sem beisla má til nýrra og fjölbreyttari starfa fyrir íbúana.

Undirstaða áframhaldandi uppbyggingar og framþróunar eru heilsárs samgöngur innan Vestfjarða og inn á hringveginn sem brýn þörf er á að koma á sem allra fyrst.

### 1.1 Ferðaþjónusta:

Uppbygging í ferðaþjónustu skal byggjast á sérstöðu svæðisins þar sem haldið er á lofti náttúruperlum, menningu þess og sögu. Skipulagning og samstarf þarf að aukast jafnt innan sýslunnar sem út á við.

Nauðsynlegt er að koma hér upp fyrsta flokks gistingu sem myndi stórauka ferðamannastraum og opna ný tækifæri í markaðssókn fyrir svæðið í heild sinni. Ferðaþjónusta í V-Barðastrandarsýslu á mikla framtíð fyrir sér ef tekst að tryggja þolinmótt fjármagn til uppbyggingar á góðri aðstöðu til móttöku ferðamanna.

### 1.2 Landbúnaður:

Efling landbúnaðar er hluti af uppbyggingu atvinnulífs og styrkingu byggðar í sýslunni. Nýjar búgreinar s.s. skógrækt og ferðaþjónusta bænda eru til þess fallnar að auka fjölbreytni í landbúnaði og styrkja þær búgreinar sem fyrir eru. Öflugur búskapur í sveitum er styrk stoð þéttbýlisins og tryggir blómlega ásýnd svæðisins í heild, íbúum og gestum til ánægju og yndisauka.

### 1.3 Opinber þjónusta:

Uppbygging öflugs þekkingaseturs er mikilvægur þáttur í framkvæmd atvinnumálastefnunnar. Allar atvinnugreinar munu njóta góðs af slíkri uppbyggingu og sérkenni svæðisins til lands og sjávar munu nýtast til aukinnar þekkingar og framþróunar. Aukið framboð á fjarnámi sem hægt er að stunda í heimabyggð auðveldar íbúum að sækja sér menntun og stuðlar þannig að bættri sjálfsvitund og betri hag íbúa og fyrirtækja. Opinber þjónusta skipar sífellt stærri sess í atvinnuþátttöku sveitarfélaganna með auknum flutningi verkefna til þeirra frá ríkisvaldinu og nauðsynlegt að jafnframt sé tryggt fjármagn til að unnt sé að sinna verkefnum svo fullnægjandi sé.

#### 1.4 Veiðar, vinnsla og eldi:

Aukin áhersla á rannsóknir og þróunarstarf í sjávarútvegi og tengdum greinum er ein af þeim leiðum sem vænlegar eru til að styrkja atvinnulífið í sýslunni. Nálægð svæðisins við fiskimiðin er undirstaða byggðarinnar og því nauðsynlegt að nýta alla þá möguleika sem slík nálægð býður upp á til eflingar atvinnulífsins. Aukin fullvinnsla afla, öflugt fiskeldi og rannsóknir á lífríkinu í hafinu við strendur sýslunnar eru mikilvæg atriði til fjölgunar fjölbreyttra starfa í þessum atvinnugreinum. Miklir möguleikar eru fólgnir í eldi þar sem mikil reynsla hefur skapast í þeirri atvinnugrein í sýslunni á undanförunum árum.

#### 1.5 Verslun, þjónusta, iðnaður:

Iðnaður í sýslunni hefur alla burði til að stóreflast ef skipulega er staðið að bættri ímynd og samkeppnisstöðu svæðisins. Leita þarf nýrra atvinnutækifæra með nýjum fyrirtækjum og öflugum nýsköpunarstarfi ásamt því að styðja við það sem fyrir er. Verslun og þjónusta mun eflast með fjölgun íbúa og ferðafólks samhliða bættri afkomu annarra atvinnugreina.

## 2. Staðhættir:

### 2.1 Tálknafjarðarhreppur

Landfræðileg lega sveitarfélagsins kemur að mestu fram í nafni þess, þar sem það einkorðast við Tálknafjörð, sem er næst syðstur Vestfjarða í miðri Vesturbyggð. Hreppamörkin liggja úr Kálfadal í norðri, á vatnaskilum umhverfis fjörðinn í Molduxa vestan við Tálkna.

Íbúafjöldi var svipaður um aldamótin 2000 og hann var um 1900, 370 manns. Hins vegar hefur samfélagið breyst mikið. Framan af tuttugustu öldinni voru tveir skólar í hreppnum, annar á Bakka utarlega í firðinum, hinn á Sveinseyri fyrir innsveitina, en þar standa skólmannvirki hreppsins í dag, skóli, íþróttahús og sundlaug. Hraðfrystihús var reist á Tálknafirði á árunum 1945-1946 og fór þá að myndast vísir að þéttbýli á Tungujörðum. Höfðu þá verið skiptar skoðanir um hvort það ætti að rísa á Suðureyri eða inn við Hóp. Á Suðureyri hafði þá verið starfrækt hvalstöð, fyrst af Norðmönnum um og eftir aldamótin 1900, en þeir hættu rekstrinum í fyrri heimstyrjöldinni, síðan var hún aftur starfrækt milli 1935 – 1940 og þá af innlendum aðilum. Nokkur ver voru í Tálknafirði fyrr á árum. Þeirra þekktast var verið í Miðvík í landi Stapa, utarlega við norðanverðan fjörðinn en þaðan var síðast róið vorið 1933. Í Tálknafirði eru nokkrar volgar lindir sem hafa verið nýttar til fiskeldis, baða og kyndingar skólmannvirkja. Í kringum 1930 var steipt sundlaug á vegum sýslunnar í landi Sveinseyrar og leysti hún af hólmi torflaug þá sem fyrir var en sundkennsla fyrir börn sýslunnar fór lengi fram í Tálknafirði og fylgdu því oftast miklir mannfagnaðir, sundprófin. Er þessi sundlaug ennþá notuð til sundkennslu og afþreyingar fyrir íbúa sveitarfélagsins og aðra sem hana vilja nýta, en hún hefur reynst vel og var fyrir nokkrum árum lengd úr 20 m. í 25 m..

Atvinnulíf Tálknfirðinga snýst með einum eða öðrum hætti um sjávarútveg, sem er undirstaða alls í hreppnum.

Landbúnaður var stundaður í allnokkrum mæli í Tálknafirði fram eftir síðustu öld, þá einkum sauðfjárrækt en hún var nánast alveg aflögð um aldamótin 2000 og er eini vísir landbúnaðar nú skógrækt.

## 2.2 Vesturbyggð

Vesturbyggð er ungt sveitarfélag sem varð til eftir sameiningarkosningar vorið 1994, er Patrekshreppur, Barðastrandarhreppur, Rauðasandshreppur og Bíldudalshreppur voru sameinaðir. Tálknfirðingar tóku þátt í þessum kosningum en þar var sameining felld. Íbúar í Vesturbyggð hinn 1. desember 2003 voru 1073.

Vesturbyggð er stórt sveitarfélag landfræðilega séð. Landamerki við Reykhólahrepp eru á sýslumörkum Austur- og Vestur-Barðastrandarsýslu um Skiptá í Kjálkafirði og teygja sig þaðan norður yfir Þingmannaheiði í átt að Glámuhálandinu og í vestur um Dynjandisheiði á sýslumörkum við Vestur-Ísafjarðarsýslu og út á Langanesstá í Arnarfirði. Tálknafjarðarhreppur fleygar svo inn í Vesturbyggð úr vestri.

Péttbýliskjarnar í Vesturbyggð eru tveir, Patreksfjörður og Bíldudalur. Á Patreksfirði er miðstöð stjórnsýslunnar, þar eru bæjarskrifstofur Vesturbyggðar og önnur opinber þjónusta s.s. Heilbrigðisstofnunin, þjónustustöð Vegagerðarinnar og skrifstofa sýslumannsins á Patreksfirði.

Um og eftir aldamótin 1900 risu upp tvö stórfyrirtæki á Eyrum þ.e. Geirseyri og Vatneyri, Island Handels & Fiskeri Kompagni (I.H.F.) keypti Geirseyrareignir og rak verslun og útgerð þaðan. P.J. Thorsteinsson & Co. (Milljónafélagið) sem keypti Vatneyrareignir af Pétri Thorsteinssyni, hafði rekstur sinn þar. Bæði fyrirtækin voru dansk-íslensk og á vegum þeirra var rekin mikil þilskipaútgerð frá Patreksfirði og saltfiskverkun. Er þessi félög liðu undir lok tóku við umsvifum tveir einstaklingar sem mörkuðu merk spor í atvinnusögu staðarins.

Pétur A. Ólafsson var verslunarstjóri hjá I.H.F. á Patreksfirði og keypti eignirnar á Geirseyri af félaginu 1906 og rak síðan verslun og útgerð á staðnum um 25 ára skeið. Ólafur Jóhannesson var verslunarstjóri hjá P.J. Thorsteinsson & Co. meðan félagið starfaði á Patreksfirði og festi hann kaup á Vatneyraverslun og mannvirkjum öllum og miklum hluta Vatneyrarlands. Rak hann fyrst öfluga þilskipaútgerð og svo togaraútgerð sem hófst árið 1925 og stóð að heita óslitið til 1961. Í kringum togarana risu mörg atvinnufyrirtæki, hraðfrystihús, vélsmíðja, fiskimjölverksmíðja og verslun. Eftir 1961 hefur sjávarútvegurinn byggst á afla vélbáta, smærri og stærri skipa og dagróðrabáta og atvinnustarfsemin að miklu leyti flust á Vatneyri þar sem höfnin er nú. Stærsta útgerðarfyrirtækið á Patreksfirði í dag er Oddi hf.

Bíldudalur stendur við Bíldudalsvog, sem er ystur Suðurfjarða er ganga suður úr Arnarfirði. Á Bíldudal var ein af höfnum einokunarverslunar. Skömmu eftir að verslunin var gefin frjáls keypti Ólafur Thorlacius Bíldudal. Var hann mikilvirkur athafnamaður og umsvifamesti kaupmaður á Íslandi í byrjun 19. aldar. Hann tók að selja fisk beint til Spánar og hafði 2-3 skip í förum. Hann var brautryðjandi þilskipaútgerðar á Vesturlandi er hann keypti tvær fiskiskútur 1806. Þorleifur Jónsson keypti Bíldudalsverslun 1827 og jók þilskipaútgerðina á Bíldudal og gerði "Bíldudalsfisk" að þekktu vörumerki erlendis með vandaðri verkun á saltfiski.

Árið 1880 keypti Pétur J. Thorsteinsson Bíldudalseignir og hófst þá hið mesta uppgangstímabil í sögu staðarins og var í hans tíð óvíða á landinu eins blómlegt atvinnulíf og á Bíldudal. Hann átti mörg skip og 1898 keypti hann gufuskipið Mugg sem var fyrsta íslenska gufuskipið sem var gert út til fiskveiða. Árið 1907 var stofnað hið svonefnda Milljónafélag (P.J. Thorsteinsson & Co.) af dönskum og íslenskum kaupmönnum og var Pétur aðalframkvæmdastjóri þess, en 1913 komst það í fjárþröng og var gert upp. Þilskipatímabili Bíldudals lauk um 1925. Hreppurinn reisti frystihús

á Bíldudal 1936, sem varð mikil lyftistöng fyrir staðinn og um svipað leyti keypti Gísli Jónsson Bíldudalseignir og var þar með umsvifamikinn atvinnurekstur fram til 1950, reisti þar rækjuverksmiðju og niðursuðuverksmiðju sem framleiddi m.a. hinar víðfrægu Bíldudals-grænar baunir. Auk fiskvinnslunnar hafa rækjuveiðar og vinnsla verið stór þáttur í atvinnulífi á Bíldudal.

Í Vesturbyggð eru höfuðból nokkur frá fornu fari, s.s. Hagi og Brjánslækur á Barðaströnd og Saurbær á Rauðasandi, sem öll eru jafnframt kirkjustaðir, og þar eru einnig þjóðþekktar kirkjujarðir s.s. Selárdalur í Ketildölum í Arnarfirði og Sauðlauksdalur í Patreksfirði. Landbúnaður hefur gegnum aldirnar verið aðal atvinnuvegurinn á Barðaströnd og er þar enn blómlegur. Þar er einnig hótél og orlofsbyggð í Flókalundi og ferjuhöfn Breiðafjarðarferjunnar Baldurs á Brjánslæk. Landbúnaður er einnig enn stundaður á Rauðasandi og í Arnarfirði.

Í Vesturbyggð eru einnig kunnar verstöðvar, sem útræði var stundað frá í alda raðir. Þekktastar eru verstöðvarnar í Víkum vestan Látrabjargs þ.e. Látravík, Breiðavík og Kollsvík, en einnig var útræði frá Láturdal og Hænuvík og kunn verstöð var í Verdölum milli Selárdalsfjalls og Kóps.

Fyrst er getið verslunar á Vatneyri árið 1570 og voru Vatneyri og Bíldudalur meðal verslunarstaða Dana á tímum einokunarverslunar. Vatneyri er talin meðal löggiltra verslunarstaða í konungsboðum 1816 og 1836. Verslun hófst á Geirseymi 1852 og varð löggiltur verslunarstaður 1877.

## 3. Stefnumótunarvinnan

### 3.1 Upphafið 2003/2004

Bæjarráð Vesturbyggðar skipaði 16. júlí 2003 Brynjólf Gíslason bæjarstjóra, Þórólf Halldórsson formann atvinnumálanefndar og Harald A. Haraldsson atvinnuráðgjafa Bygðastofnunar í verkefnishóp til að annast undirbúning vinnu við mótun atvinnumálastefnu. Tálknfirðingar komu svo til samstarfs um verkefnið með haustinu.

Föstudaginn 14. nóvember 2003 var efnt til opins kynningarfundar um stefnumótun í atvinnumálum í Félagsheimili Patreksfjarðar. Þar voru framsögumenn Halldór Halldórsson bæjarstjóri í Ísafjarðarbæ, sem fjallaði um reynslu Ísfirðinga af slíku stefnumótunarverkefni, Karl Sigurgeirsson framkvæmdastjóri Forsvars ehf. sem velti upp spurningunni hvort almenningur gæti haft áhrif á gang mála sem þessara og Karl Friðriksson hjá Iðntæknistofnun Íslands sem fjallaði um stefnumótun í samkeppnisumhverfi. Daginn eftir hélt Karl Friðriksson námskeið um ferli stefnumótunar, ástæður og markmið slíkra verkefna, í þeim tilgangi að þjálfa þá sem taka vildu þátt í hópastarfi stefnumótunarinnar. Námskeiðið sóttu 36 manns.

Hópvinnan hófst 20. nóvember og hafði Haraldur A. Haraldsson umsjón með hópastarfinu. Ákveðið var að skipta þátttakendum í 5 hópa, sem fjölluðu um mismunandi atvinnugreinar. Hópi um ferðaþjónustu stýrði Elsa Reimarsdóttir, hópi um landbúnað stýrði Haraldur A. Haraldsson, hópi um opinbera þjónustu stýrði Sigríður Karlsdóttir, hópi um veiðar, vinnslu og eldi stýrði Jón Örn Pálsson og hópi um verslun, þjónustu og iðnað stýrði Eyrún Ingibjörg Sigþórsdóttir. Alls komu um 60 manns úr ólíkum sviðum atvinnulífsins að starfinu.

Haraldur A. Haraldsson sá um að taka saman niðurstöður hópastarfsins í eina skýrslu, sem send var sveitarstjórnunum. Á fundum bæjarstjórnar Vesturbyggðar og hreppsnefndar Tálknafjarðarhrepps sem báðir voru haldnir 11. febrúar 2004 voru niðurstöðurnar lagðar fram til kynningar sem tillaga að sameiginlegri atvinnumálastefnu sveitarfélaganna. Á fundunum samþykktu sveitarstjórnirnar að vísa tillögunni til umfjöllunar atvinnumálanefnda sveitarfélaganna, sem skyldu yfirfara hana og leggja hana að svo búnu á ný fyrir sveitarstjórnirnar.

Atvinnumálanefndirnar héldu marga vinnufundi um stefnumótunina og hafa nú komist að sameiginlegri niðurstöðu um að leggja tillöguna svo breytta fyrir sveitarstjórnirnar. Atvinnumálastefnan var samþykkt í báðum sveitarfélögum 2004.

### 3.2. Endurskoðun vetur 2006/2007

Ný skipuð atvinnumálanefnd Vesturbyggðar fyrir kjörtímabilið 2006-2010 ákvað á sínum fyrsta fundi sem haldin var 5. júlí 2006 að stefna að því að uppfæra atvinnumálastefnuna. Setti nefndin sig í samband við atvinnumálanefnd Tálknafjarðar og í framhaldi af því voru vinnufundir skipulagðir. Báðar nefndirnar ásamt varamönnum lögðu mikla vinnu í að yfirfara alla þætti stefnunnar. Sérstök áhersla var lögð á að endurskoða ábyrgðaraðila hvers þáttar fyrir sig með það að markmiði að gera stefnuna virkari. Einnig voru þeir þættir sem búið er að hrinda í framkvæmd eða eiga ekki lengur við teknir út og dagsetningar uppfærðar. Kaflarnir um ferðaþjónustu,

landbúnað og menntamál voru sendar til yfirferðar hjá viðkomandi nefndum og ferðamálafélags Barðastrandasýslu. Verkefnastjórar Atvinnuþróunarfélags Vestfjarða unnu að verkefninu með atvinnumálanefndunum.

Atvinnumálanefndirnar líta svo á að Atvinnumálastefna Vestur Barðarstrandarsýslu sé grunnur atvinnuuppbyggingar og mikilvægt tæki sem þurfi að vera öllum þeim sem koma að atvinnumálum í Vesturbyggð og Tálknafirði og öllum íbúum svæðisins aðgengilegt.



## 4. Niðurstöður:

### 4.1 Meginmarkmið.

Markmiðin með stefnumótunarverkefninu eru:

1. Fjölgun íbúa og atvinnutækifæra í sýslunni.
2. Skilgreining á ímynd svæðisins.
3. Að bæta samgöngur sem er undirstaða alls þessa.

<b>Markmið</b>
1. Fjölgun íbúa og atvinnutækifæra í sýslunni.

<b>Leiðir</b>	<b>Ábyrgðaraðili verkefnis</b>	<b>Árangursmarkmið Tímaáætlun</b>
1.1 Endurskoðuð atvinnumálastefna sveitarfélaganna verði samþykkt og hrint í framkvæmd.	Bæjarstjórn Vesturbyggðar og sveitarstjórn Tálknafjarðarhrepps	Stefnumótun sveitarfélaganna í atvinnumálum samþykkt fyrir 1.5.2007. Framkvæmdir hefjast strax.
1.2 Að atvinnumálastefna V-Barð verði fylgt eftir og að stefnan verði endurskoðuð reglulega og uppfærð í upphafi hvers kjörtímabils	Bæjarstjórn Vesturbyggðar og sveitarstjórn Tálknafjarðarhrepps	Að atvinnumálastefna sé vel virk og starf sveitarstjórna taki mið af henni

**Markmið**

2. Ímynd Vestur-Barðastrandarsýslu verði skilgreind og haldið á lofti sem sameiginlegri fyrir allar atvinnugreinar á svæðinu í heild

<b>Leiðir</b>	<b>Ábyrgðaraðili verkefnis</b>	<b>Árangursmarkmið Tímaáætlun</b>
2.1 Að allar atvinnugreinar sameinist um ímynd svæðisins og komi þannig fram sem sterk og samhent heild.	Verkefnastjórar Atvest, formenn atvinnumálanefnda, framkvæmdastjórar sveitarfélaganna	Skýrt skilgreindur rammi um ímynd svæðisins. Vorið 2007
2.2 Að ná að breyta ímynd svæðisins í þá veru að það sé þekkt sem nútímalegt fjölskylduvænt samfélag þar sem byggt er á gæðum byggðarlagsins og það sé eftirsóknarvert til búsetu og atvinnurekstrar.	Verkefnastjórar Atvest, framkvæmdastjórar sveitarfélaganna, fjölmiðlaumfjöllun og íbúar.	Fjölgun íbúa, atvinnutækifæra og ferðamanna ár frá ári.
2.3 Skilgreind verði umhverfisstefna sveitarfélaganna og stofnuð verði sameiginleg umhverfisnefnd þeirra.	Bæjarstjórn Vesturbyggðar og sveitarstjórn Tálknafjarðarhrepps	Vorið 2007

**Markmið**

3. Heilsárssamgöngur inn á þjóðveg 1 eru undirstaða framfara, samkeppnishæfni atvinnulífs og betri búsetuskilyrða.

<b>Leiðir</b>	<b>Ábyrgðaraðili verkefnis</b>	<b>Árangursmarkmið Tímaáætlun</b>
Vestfjarðavegur 60 verði gerður að heilsársvegi.	Vegagerðin, samgönguráðuneytið og Alþingi.	Heilsárssamgöngur verði tryggðar fyrir 2008.
3.1 Þverun Gufufjarðar, Djúpaþfjarðar og Þorskafjarðar.	Vegagerðin, samgönguráðuneytið og Alþingi.	Heilsárssamgöngur verði tryggðar fyrir 2008.
3.2 Jarðgöng undir Klettsháls og Kleifaheiði.	Vegagerðin, samgönguráðuneytið og Alþingi.	Heilsárssamgöngur verði tryggðar fyrir 2008.
3.3 Jarðgöng undir Dynjandisheiði úr Vatnsfirði.	Vegagerðin, samgönguráðuneytið og Alþingi.	Heilsárssamgöngur verði tryggðar fyrir 2008.
3.4 Jarðgöng milli Arnarfjarðar og Dýrafjarðar.	Vegagerðin, samgönguráðuneytið og Alþingi.	Heilsárssamgöngur verði tryggðar fyrir 2008.

## 4.2 Ferðapjónusta

### 4.2.1 Stefna

Að byggja upp öfluga atvinnugrein sem rekin er á heilsársgrundvelli og byggir á nýtingu stórbrotinnar náttúru og menningar svæðisins í sátt við þær atvinnugreinar sem fyrir eru og góðu samstarfi heimamanna við yfirvöld.

### 4.2.2 Markmið í ferðapjónustu:

1. Að auka og bæta skipulagningu og samstarf ferðapjónustuaðila á svæðinu jafnt innávið sem útávið.
2. Að auka þjónustu og afþreyingu fyrir ferðamenn á svæðinu.
3. Að ferðapjónustan verði byggð á sérstöðu svæðisins og hún undirstrikuð með friðun og /eða frekari skipulagningu náttúruperlna.

## Markmið

1. Að auka og bæta skipulagningu og samstarf ferðaþjónustuaðila á svæðinu jafnt innvið sem útvið.

Leiðir	Ábyrgðaraðili verkefnis	Árangursmarkmið Tímaáætlun
1.1. Að tryggð verði að starfandi verði ferðamálafulltrúi á svæðinu	Framkvæmdastjórar sveitarfélaganna	Að allir íbúar séu meðvitaðir um mikilvægi ferðaþjónustunnar fyrir atvinnulíf og búsetu í sýslunni. Vitundar- aukning ár frá ári.
1.2. Að komið verði upp upplýsingamiðstöð fyrir svæðið	Framkvæmdastjórar sveitarfélaganna, verkefnisstjóri Atvest og Ferðamálafélag Barðastrandarsýslu.	Að upplýsingamiðstöð verði komin upp fyrir sumar 2007
1.3 Að efla Ferðamálafélag Barðastrandarsýslu og gera það sýnilegra með það að markmiði að fjölga ferðamönnum og lengja ferðamannatímann.	Framkvæmdastjórar sveitarfélaganna verkefnisstjóri Atvest og Ferðamálafélag Barðastrandarsýslu.	Fjölgun virkra félagsmanna og skilvirkara starf ár frá ári. Að ferðamálafélagið verði sett á fjárlög frá 2008.
1.4 Að ferðamálafélagið og ferðamálafulltrúi vinni að markaðssetningu svæðisins, m.a á Internetinu með gerð heimasíðu, til að skapa forsendur fyrir heilsársþjónustu og samstarf við ferðaskrifstofur.	Verkefnisstjóri Atvest og Ferðamálafélag Barðastrandarsýslu	Heimasíða Vestur-Barðastrandarsýslu opnuð fyrir sumarið 2007.
1.5 Að leitað verði eftir nýjum tækifærum t.d. halda fundi og ráðstefnur á sviði viðskiptatengdrar ferðaþjónustu, ekki síst utan hefðbundins ferðamannatíma.	Verkefnisstjóri Atvest , Ferðamálafélag Barðastrandarsýslu og ferðaþjónustuaðilar.	Árleg aukning tækifæra. Árleg aukning gesta.
1.6 Sveitarfélögin, samtök og einstaklingar vinni saman að því að markaðssetja og skipuleggja atburði og uppbyggingu hátíðahalda á svæðinu, s.s. sjómannadagsins á Patreksfirði, Bíldudals grænar og gönguhátíð	Framkvæmdastjórar sveitarfélaganna, ferðamálafulltrúi, ferðaþjónustuaðilar og Ferðamálafélag Barðastrandarsýslu.	Staðið verði fyrir hátíðum og skipulögðum atburðum á hverju sumri sem laða fólk að svæðinu. Skipulögð dagskrá á hverju ári lögð fram í jan. í síðasta lagi.

<b>Markmið</b>
2. Að auka þjónustu og afþreyingu fyrir ferðamenn á svæðinu.

<b>Leiðir</b>	<b>Ábyrgðaraðili verkefnis</b>	<b>Árangursmarkmið Tímaáætlun</b>
Að vinna að því að fjölga fyrsta flokks gistimöguleikum innan svæðisins og auka fjölbreytni í gæðum.	Verkefnisstjórar Atvest og ferðaþjónustuaðilar.	Aukið framboð á gistingu og fjölbreyttari gisting. Aukning ár frá ári. Markhópagreining verði lokið fyrir sumarið 2008 með aðstoð Vaxtarsamnings Vestfjarða.
2.2 Að vinna að því að opinberir aðilar og félagasamtök styðji áfram við fyrirbyggjandi verkefni og uppbyggingu í menningartengdri ferðaþjónustu.	Framkvæmdastjórar sveitarfélaga, MEÓ á Hnjóti og verkefnisstjóri AtVest.	Sveitarfélög samþykki söfnunar og sýningarstefnu MEÓ fyrir árslok 2007. Fjármögnun til uppbyggingar verði tryggð fyrir vor 2008.
2.3 Að Hrafna Flóki verði kynntur sem nafngjafi Íslands.	Framkvæmdastjórar sveitarfélaga, verkefnisstjóri Atvest, MEÓ á Hnjóti og félag um prestsbúst.á Brjánslæk.	Sýning um Hrafna-Flóka opnuð vorið 2008
2.3 Að vinna að því í samstarfi við innlenda og erlenda aðila (t.d. franska), að gera út Maríu Júlíu sem skólaskip frá Patreksfirði.	Framkvæmdastjórar sveitarfélaga, MEÓ á Hnjóti, tengiliðir við Frakkland.	Útgerð skólaskips hefjist vorið 2008
2.4 Að vinna að því í samstarfi við einstaklinga og yfirvöld að bæta aðstöðu fyrir göngufólk t.d. með merkingu gönguleiða og örnefna, og með árlegri gönguhátíð	Framkvæmdastjórar sveitarfélaga, verkefnisstjórar Atvest, Ferðamálafélag Barðastr.sýslu og ferðaþj.aðilar.	Fjöldi merktra gönguleiða aukist um 2-3 á ári.
2.5 Að koma á samstarfi við Háskólann á Akureyri og/eða Hólaskóla um rannsóknar og verkefnavinnu námsmanna til m.a. að finna ný tækifæri í greininni.	Ferðamálafulltrúi og ferðaþjónustuaðilar.	Aukinn fjöldi verkefna á hverju ári.
2.6 Að vinna að nýliðun í greininni og aukinni skipulagningu t.d. með fjölgun fólkvanga.	Verkefnisstjórar Atvest og atvinnuráðgjafar.	Fjölgun ferðaþj.aðila og aukin uppbygging á ferðamannastöðum ár frá ári.
2.7. Að sveitarfélögin beiti sér fyrir aðgerðum sem bæta og fegra bæjarmynd sveitarfélagsins	Framkvæmdastjórar sveitarfélaganna	Árlega verði veitt verðlaun fyrir snyrtilegasta hús í þéttbýli sveitarfélagsins.

**Markmið**

3. Að ferðaþjónustan verði byggð á sérstöðu svæðisins og undirstrikuð með friðun og/eða frekari skipulagningu náttúruperlna.

<b>Leiðir</b>	<b>Ábyrgðaraðili verkefnis</b>	<b>Árangursmarkmið Tímaáætlun</b>
<p>3.1 Að sveitarfélögin, samtök og einstaklingar þrýsti á að Látrabjarg/Rauðasands svæðið verði gert að þjóðgarði/friðlandi og öll aðstaða fyrir ferðamenn bætt með byggingu þjónustumiðstöðvar. Úrbætur verði gerðar á aðkomu að svæðinu.</p>	<p>Framkvæmdastjórar sveitarfélaga Ferðamálafélag Barðastrandarsýslu og umhverfisráðuneyti.</p>	<p>Sátt um þjóðgarð í byrjun árs 2008. Bygging á þjónustumiðstöð samhliða þjóðgarði</p>
<p>3.2 Að haft verði gott samstarf við landeigendur og aðra sem eru með atvinnustarfssemi í og við Látrabjarg/Rauðasand vegna undirbúnings og aðgerða við væntanlegan þjóðgarð/friðland á svæðinu. Farið verði í þessa vinnu án allra skuldbindinga af hálfu samningsaðila.</p>	<p>Framkvæmdastjórar sveitarfélaga og umhverfisráðuneyti.</p>	<p>Landeigendur sáttir við þjóðgarð 01.01.2008.</p>
<p>3.3 Að ávallt verði haft í huga við skipulag og uppbyggingu á þeim stöðum sem eru eða kunna að verða vinsælir, að náttúran og menningarmínjar á stöðunum varðveitist sem best. Sem dæmi um slíka staði má nefna Geirþjófsfjörð, Vatnsfjörð, Selárdal, náttúrumínjar í Brjánslækjarlandi, Kópavík ofl. staði.</p>	<p>Framkvæmdastjórar sveitarfélaga Náttúruverndarráð og Ferðamálafélag Barðastrandarsýslu.</p>	<p>Á alltaf við.</p>
<p>3.4. Að efla Minjasafnið á Hnjóti, bæði faglega og fjárhagslega</p>	<p>Framkvæmdastjórar sveitarfélaga, stjórn MEÓ</p>	<p>Að lágmarks fjármagn verð tryggt til reksturs safnsins á hverju ári</p>



## 4.3 Landbúnaður

### 4.3.1 Stefna

Að landbúnaður verði arðvænleg atvinnugrein og stundaður í sátt við aðrar greinar og íbúa þéttbýlisins með það að markmiði að auka skilning á mikilvægu hlutverki landbúnaðar fyrir svæðið til styrktar í byggðalegu tilliti þannig að sveitir haldist í blómlegri byggð og jarðir sem ekki eru nytjaðar til annars verði nýttar til landbúnaðar.

### 4.3.2 Markmið í landbúnaði:

1. Að landbúnaður muni áfram gegna mikilvægu hlutverki við nýtingu hinnar stórbrotnu og einstöku náttúru svæðisins til ferðamennsku og þess að auka á upplifun ferðamanna um svæðið með því m.a. að halda húsum og byggingum í góðu standi.
2. Að þrífösun rafmagns verði komið á í dreifbýli.
3. Að skógrækt öðlist viðurkenningu sem þýðingarmikil atvinnugrein.
4. Að umhverfi greinarinnar geri bændum kleift að hafa að lágmarki 500 ærgildi í sauðfjárrækt og/eða 150 þúsunda lítra mjólkurframleiðslu með fullvirðisrétti á hvert bú.

<b>Markmið</b>
1. Að landbúnaður muni áfram gegna mikilvægu hlutverki við nýtingu hinnar stórbrotnu og einstöku náttúru svæðisins til ferðamennsku og þess að auka á upplifun ferðamanna um svæðið með því m.a. að halda húsum og byggingum í góðu standi.

<b>Leiðir</b>	<b>Ábyrgðaraðili verkefnis</b>	<b>Árangursmarkmið Tímaáætlun</b>
1.1 Að landbúnaður á svæðinu sé stundaður í sátt við náttúruna og misbjóði henni ekki með ofbeit, mengun eða á annan hátt.	Bændur og landeigendur.	Náttúruvæn nýting og sjálfbær. Á alltaf við.
1.2 Að stórbætt verði merking á lögbýlum, eyðibýlum og söguslóðum innan svæðisins.	Verkefnisstjóri AtVest, vegagerðin, landeigendur, og framkvæmdastjórar sveitarfélaga.	Lokið fyrir lok árs 2008.
1.3 Að stutt verði við hlunnindabúskap í héraðinu með markvissri meindýraeyðingu.	Sveitarfélög og ríkið.	Meindýrum fækki ár frá ári.

<b>Markmið</b>
2. Að þrífösun rafmagns verði komið á í dreifbýli.

<b>Leiðir</b>	<b>Ábyrgðaraðili verkefnis</b>	<b>Árangursmarkmið Tímaáætlun</b>
2.1. Koma upp hraðabreytum til að búa til þrífasa rafmagn	Orkubú Vestfjarða og framkvæmdastjórar sveitarfélaga	Valmöguleiki fyrir haust 2007.
2.2 Setja í jörð hluta af dreifikerfi til að koma í veg fyrir rafmagnsrof	Orkubú Vestfjarða og framkvæmdastjórar sveitarfélaga	Fyrir lok árs 2008

**Markmið**

3. Að skógrækt öðlist viðurkenningu sem þýðingarmikil atvinnugrein.

<b>Leiðir</b>	<b>Ábyrgðaraðili verkefnis</b>	<b>Árangursmarkmið Tímaáætlun</b>
3.1 Að ríkisvaldið standi við fyrirheit sín til skógræktarog landgræðslu og auki jafnframt framlag sitt til greinarinnar með vísan til loftlagssáttmála SP, Kyoto sáttmálann, þar sem kveðið er á um bindingu kolefnis í gróðri og jarðvegi og skógrækt því mjög mikilvæg leið til að uppfylla samninginn.	Alþingi, Skjólsskógar, skógarbændur og umhverfisráðherra.	Tryggt fjármagn af fjárlögum ríkisins til langs tíma.

**Markmið**

4. Að umhverfi greinarinnar geri bændum kleift að hafa að lágmarki 500 ærgildi í sauðfjárrækt og/eða 150 þúsunda lítra mjólkurframleiðslu með fullvirðisrétti á hvert bú.

<b>Leiðir</b>	<b>Ábyrgðaraðili verkefnis</b>	<b>Árangursmarkmið Tímaáætlun</b>
4.1 Að sauðfjárbændur og mjólkurframleiðendur eigi kost á hagstæðum lánum til kaupa á framleiðslurétti.	Samtök bænda	Hagstæð lán í boði sem fyrst
4.2 Að samningar sem framleiðendur gera við ríkið í dag séu gerðir til mun lengri tíma þannig að hægt sé að gera áreiðanlegri rekstraráætlanir.	Landbúnaðarráðuneytið og samtök bænda.	Að samningstímar verði áfram til langs tíma
4.3 Að markaðsmálin verði í stöðugri endurskoðu með það að markmiði að tryggja bændum viðunandi verð fyrir afurðir sínar.	Landbúnaðarráðuneytið og samtök bænda.	Viðunandi verð fyrir afurðir bænda.

## 4.4 Opinber þjónusta

### 4.4.1 Stefna

Að fjölga opinberum rannsókn- og þjónustustörfum í Vestur-Barðastrandasýslu. Sérkenni svæðisins til lands og sjávar bjóða upp á mikla vaxtar og þróunarmöguleika. Ein meginforsenda fyrir uppbyggingu nýrra atvinnutækifæra er að sköpuð verði umgjörð fyrir rannsókn- og frumkvöðlastarf heima í héraði.

### 4.4.2 Markmið í opinberri þjónustu:

1. Komið verði á fót þekkingarsetur (fræða- og frumkvöðlasetri) í Vestur-Barðastrandarsýslu.
2. Auka menntunarmöguleika íbúa með öflugri uppbyggingu fjarmenntaaðstöðu í héraðinu.
3. Aukin samvinna sveitarfélaganna á sviði félagsþjónustu og fjölskyldumála.
4. Að koma á samvinnu sveitarfélaganna um jarðhitaleit með nýtingu í þágu atvinnulífs og heimila en einnig á sviði sorphirðu og umhverfismála til aukinna lífsgæða fyrir íbúa.
5. Fjölga opinberum störfum á svæðinu.

**Markmið**

1. Stofnað verði þekkingarsetur (fræða- og frumkvöðlasetur) í Vestur-Barðastrandarsýslu.

<b>Leiðir</b>	<b>Ábyrgðaraðili verkefnis</b>	<b>Árangursmarkmið Tímaáætlun</b>
1.1 Að Náttúrustofa komi strax með fullt stöðugildi.	Umhverfisráðuneytið Framkvæmdastjórar sveitarfélaga , stjórn Þekkingarseturs	Fyrir árslok 2007.
1.3 Ráðnir verði tveir sérfræðingar frá Hafrannsóknarstofnun til að sinna rannsóknum	Hafrannsóknarstofnun, stjórn Þekkingarseturs	Fyrir haustið 2008
1.4 Unnið verði að rannsóknum á sögu, menningu og náttúru svæðisins í þekkingarsetri.	Háskólar, framkvæmda- stjórar sveitarfélaga , MEÓ á Hnjóti og Sögufélag V-Barð	Opnað verði þekkingarsetur fyrir árslok 2007
1.5 Að fjölga háskólanemum sem leita eftir viðfangsefni í lokaverkefni og önnur skólaverkefni í Vestur-Barðastrandarsýslu.	Þekkingarsetur, Sögufélag V-Barð og ferðamálafélag Barð.	Fleiri stúdentar sækja efnivið í skólaverkefni ár frá ári.
1.6 Að skapa starfsaðstöðu fyrir innlenda og erlenda fræðimenn.	Stjórn Þekkingarseturs	Fleiri sjálfstæðir vísindamenn starfi í V- Barð. fyrir árslok 2007.

**Markmið**

2. Auka menntunarmöguleika íbúa með öflugri uppbyggingu fjarmenntaaðstöðu í héraðinu.

<b>Leiðir</b>	<b>Ábyrgðaraðili verkefnis</b>	<b>Árangursmarkmið Tímaáætlun</b>
2.1 Vinna að samstarfi við háskóla, framhaldsskóla og fræðslumiðstöðvar um aukið námsframboð í fjarnámi á öllum stigum menntakerfisins og á sviði símenntunar og endurmenntunar.	Framkvæmdastjórar sveitarfélaga og menntastofnanir.	Aukið framboð ár frá ári.
2.2 Hvetja íbúa markvisst til náms heima í héraði með skýrri markaðssetningu á þeim möguleikum og aðstöðu sem í boði er.	Framkvæmdastjórar sveitarfélaga , Fræðslumiðstöð Vestfjarða og atvinnurekendur.	Aukinn fjöldi í námi ár frá ári.
2.3 Að stofnað verði fræðsluver þar sem skapaðar eru aðstæður til að fólk haldist í námi með því að tryggja faglega aðstoð við nemendur og skapa manneskjulegt umhverfi til námsins.	Menntamálaráðuneyti og Framkvæmdastjórar sveitarfélaga	Aukinn fjöldi sem lýkur námi á hverju ári.
2.4 Vinna að áframhaldandi uppbyggingu dreifmenntar í V-Barð. og ná þannig fram öflugri grunnskólum og bættum námsárangri.	Framkvæmdastjórar sveitarfélaga og aðrir aðilar samnings um dreifmennt.	Að dreifmenntasamningi verði lokið sem fyrst og fyrri haust 2007
2.5 Komið verði á fót markvissri og reglulegri íslenskukennslu fyrir nýbúa á svæðinu.	Menntamálaráðuneytið, framkvæmdastjórar sveitarfélaga og atvinnurekendur.	Skipulögð kennsla hefjist haustið 2008.

**Markmið**

3. Aukin samvinna sveitarfélaganna á sviði félagsþjónustu og fjölskyldumála.

<b>Leiðir</b>	<b>Ábyrgðaraðili verkefnis</b>	<b>Árangursmarkmið Tímaáætlun</b>
3.2 Boðið verði upp á sálfræði-þjónustu, félagsráðgjöf og aðra sérfræðiaðstoð heima í héraði eftir því sem kostur er, en aðgangur tryggður að þjónustunni annarsstaðar ef hún er ekki fyrir hendi í sýslunni.	Framkvæmdastjórar sveitarfélaga Heilbrigðisstofnunar á Patreksfirði og fagráðuneyti.	Stefna í málaflokknum fyrir árslok 2007.
3.3 Sveitarfélögin hafi forgöngu um að móta heildstæða stefnu um þjónustu við aldraða sem m.a. taki tillit til ólíkra óska/þarfa svo sem heimaþjónustu, dvalar á sambýli og aðhlyningar í hjúkrunarrými.	Framkvæmdastjórar sveitarfélaga og Heilbrigðisstofnunar á Patreksfirði.	Stefna í málaflokknum fyrir árslok 2007.
3.4 Kanna möguleika á uppbyggingu dvalarheimilis fyrir aldraða og markaðssetningu á landsvísu.	Framkvæmdastjórar sveitarfélaga og Heilbrigðisstofnunar.	Könnun fyrir árslok 2007.

**Markmið**

4. Að koma á samvinnu sveitarfélaganna um jarðhitaleit með nýtingu í þágu atvinnulífs og heimila en einnig á sviði sorphirðu og umhverfismála til aukinna lífsgæða fyrir íbúa.

<b>Leiðir</b>	<b>Ábyrgðaraðili verkefnis</b>	<b>Árangursmarkmið Tímaáætlun</b>
4.1 Bæjarstjóri og sveitarstjóri hafi frumkvæði um jarðhitaleit.	Framkvæmdastjórar sveitarfélaga og Orkustofnun.	Borað og virkjað þar sem hægt er fyrir árslok 2008.
4.2 Sveitarfélögin vinni sameiginlega að því að finna hagkvæmustu lausn á sorpeyðingarmálum þeirra.	Framkvæmdastjórar sveitarfélaga	Sameiginlegt útboð sveitarfélaga þegar núverandi samningur gengur úr gildi
4.3 Hagkvæm lausn verði fundin á frárennismálum sveitarfélaganna, jafnt í dreifbýli sem þéttbýli.	Framkvæmdastjórar sveitarfélaga	Sameiginlegt útboð sveitarfélaga



**Markmið**

5. Fjölga opinberum störfum á svæðinu.

<b>Leiðir</b>	<b>Ábyrgðaraðili verkefnis</b>	<b>Árangursmarkmið Tímaáætlun</b>
5.1 Sveitarfélögin komi á fót húsnæði til útleigu á skrifstofu-aðstöðu þar sem opinberar stofnanir verði boðnar velkomnar.	Framkvæmdastjórar sveitarfélaga, stjórn þekkingarseturs	Samningur við 2-3 opinberar stofnanir verði í höfn í árslok 2008.
5.2 Markvisst verði sótt eftir að opinber störf verði flutt til svæðisins m.a. með flutningi verkefna frá ríki til sveitarfélaga.	Framkvæmdastjórar sveitarfélaga, stjórn Þekkingarseturs ráðuneyti og Alþingi	Fjölgun starfa og verkefna ár frá ári.
5.3 Sveitarfélögin beiti sér fyrir því að ríkið flytji störf í opinberri eftirlitsþjónustu til svæðisins t.d. hjá Fiskistofu.	Framkvæmdastjórar sveitarfélaga, stjórn Þekkingarseturs og Alþingi.	Fleiri opinber störf fyrir árslok 2007
5.4 Sveitarfélögin beiti sér fyrir því að þjónusta Vegagerðarinnar á svæðinu verði aukin og starfsmönnum fjölgað.	Framkvæmdastjórar sveitarfélaga samgönguráðherra og Vegagerð.	Aukin starfsemi og fjölgun starfsmanna fyrir árslok 2007.

## 4.5 Veiðar, vinnsla og eldi

### 4.5.1 Stefna

Að nýta til fullnustu náttúrulegar forsendur svæðisins til eldis og fiskveiða og vinna að því að svæðið fái notið nálægðar við fiskimiðin úti fyrir Vestfjörðum sem var forsenda byggðar í upphafi.

Markvisst verði unnið að því að efla rannsóknir á þessu sviði í Vestur-Barðastrandarsýslu.

### 4.5.2 Markmið í veiðum, vinnslu og eldi:

1. Að efla líffræðirannsóknir á fiski og öðru sjávarfangi á grunnslóð.
2. Að efla rannsóknir á eldi sjávardýra í Vestur-Barðastrandarsýslu og auka afurðir eldis.
3. Aukið verði það hlutfall landaðs afla sem unnið er á svæðinu og hráefni fullnýtt eins og hægt er.
4. Að bæta samkeppnisskilyrði fiskvinnslunnar á svæðinu.

**Markmið**

1. Að efla líffræðirannsóknir á fiski og öðru sjávarfangi á grunnslóð.

<b>Leiðir</b>	<b>Ábyrgðaraðili verkefnis</b>	<b>Árangursmarkmið Tímaáætlun</b>
1.1 Gerðar verði áframhaldandi rannsóknir á þorski, veiddum á grunnslóð sem landað er á svæðinu.	Hafrannsóknarstofnun og fiskeldisfyrirtæki	Þar til fullnægjandi vitneskja er fengin.
1.2 Að auka rannsóknir á hörpudiski og öðrum skelfiski í fjörðum sýslunnar	Hafrannsóknastofnun, Matís	Vinnsla hefjist sem fyrst.
1.3 Fjölga störfum á vegum Hafrannsóknarstofnunar á svæðinu.	Sjávarútvegsráðuneytið, Hafrannsóknarstofnun og stjórn þekkingarseturs	Fleiri störf í árslok 2007

**Markmið**

2. Að efla rannsóknir á eldi sjávardýra í Vestur-Barðastrandasýslu og auka afurðir þess.

<b>Leiðir</b>	<b>Ábyrgðaraðili verkefnis</b>	<b>Árangursmarkmið Tímaáætlun</b>
2.1 Að áfram verði gerðar nauðsynlegar rannsóknir á vaxtarskilyrðum og heilnæmi kræklinga á ólíkum árstíma.	Veiðimálastofnun Náttúrustofa / eldisfyrirtæki	Rannsókn lokið í árslok 2008.
2.2 Unnið verði áfram að uppbyggingu kræklingaræktar í Arnarfirði og á öðrum stöðum í V-Barð. og stefnt að 1000 tonna framleiðslu á ári með sameiginlegri móttökustöð og fullvinnslu á svæðinu.	Eldisfyrirtæki	Fullvinnsla sumarið 2012, 1000 tonn/ári framleidd árið 2011
2.3 Unnið verði að uppbyggingu bleikjueldis á svæðinu og náttúruleg aðstaða og mannvirki sem eru til staðar nýtt til fulls.	Eldisfyrirtæki	Aukin framleiðsla og framlegð árlega.
2.4 Gerð verði úttekt á notkunar- möguleikum fyrir heita vatnið í Tálknafirði, með það í huga að það geti bætt samkeppnisstöðu fiskvinnslu og eflt fiskeldi, þar með talið eldi þorskseiða.	Oddviti Tálknafjarðarhrepps, fiskvinnslufyrirtæki og eldisfyrirtæki	Úttekt lokið haustið 2008.

<b>Markmið</b>
3. Aukið verði hlutfall landaðs afla sem unnið er á svæðinu og hráefni fullnýtt eins og hægt er.

<b>Leiðir</b>	<b>Ábyrgðaraðili verkefnis</b>	<b>Árangursmarkmið Tímaáætlun</b>
3.1 Fullvinnsla sjávarafurða verði stórlega eflid.	Fiskvinnslufyrirtæki á svæðinu.	Aukin sala fullunninnar vöru ár frá ári.
3.2 Kannaður verði möguleiki á að vörur framleiddar á svæðinu, verði fluttar út með beinu flugi héðan.	Söluaðilar og atvinnuráðgjafar.	Könnun birt vorið 2007
3.3 Að hefja vinnu í samráði við rannsóknarstofnanir og fyrirtæki á möguleikum í lífefnaiðnaði í tengslum við afskurð og annað hráefni sem til fellur frá fiskvinnslu og útgerð.	Matís	Könnun birt vorið 2008

<b>Markmið</b>
4. Að bæta samkeppnisskilyrði fiskvinnslunnar á svæðinu.

<b>Leiðir</b>	<b>Ábyrgðaraðili verkefnis</b>	<b>Árangursmarkmið Tímaáætlun</b>
4.1 Að lækka flutningskostnað með því að lækka álögur hins opinbera á flutningastarfsemi.	Sveitarfélögin, Alþingi, samgönguráðuneyti	Álögur lækki fyrir árslok 2007.
4.2 Að lækka raforkukostnað atvinnufyrirtækja.	Orkubú Vestfjarða	Verð raforku lækki fyrir árslok 2007.

## 4.6 Verslun, þjónusta og iðnaður

### 4.6.1 Stefna

Að bæta samkeppnisstöðu fyrirtækja og stórauka markaðssetningu svæðisins til að styrkja rekstrargrundvöll núverandi fyrirtækja og leggja grunn að nýjum.

### 4.6.2 Markmið í verslun, þjónustu og iðnaði:

1. Iðnaður í sýslunni verði efldur.
2. Að nýta með markvissum hætti kosti Internetsins sem sóknarfæris.
3. Sveitarfélögin og aðrir fasteignaeigendur vinni að aukinni nýtingu húsnæðis í eigu þeirra með markvissri markaðssetningu.
4. Að sveitarfélögin beiti sér fyrir því að flutnings- og orkujöfnun verði komið á til þess að jafna samkeppnisstöðu verslunar og iðnaðar á svæðinu.

**Markmið**

1. Iðnaður í sýslunni verði efldur.

<b>Leiðir</b>	<b>Ábyrgðaraðili verkefnis</b>	<b>Árangursmarkmið Tímaáætlun</b>
1.1 Unnið verði af alefli að fullmótun rekstrarhæfs umhverfis kalkþörungaverksmiðju á Bíldudal og styrkingu stoðfyrirtækja í öðrum iðngreinum.	Framkvæmdastjóri Vesturbyggðar	5-10 störf fyrir bæði kynin fyrir sumar 2007
1.2 Framleiðsla á einingahúsum og einingum í því sambandi.	Einkaframtak í samráði við Rannsóknastofnun byggingaiðnaðarins.	Aukin framleiðsla vorið 2008.
1.3 Hafin verði athugun á því hvort mögulegt sé að fjölga smávirkjunum í sýslunni. Má í því sambandi benda á virkjun í Suðurfossaá sem möguleika.	Framkvæmdastjórar sveitarfélaga Orkustofnun, Orkubú og einkaaðilar.	Könnun birt í árslok 2008.
1.4 Kanna möguleika með úrvinnslu sorps á landsvísu, s.s. á pappír, hjólbörðum, plastefnum, rafgeymum og öðru sem til fellur í verulegu magni og er víða erfitt að losna við. Endurskoðun á sorphirðu og eyðingu hjá sveitarfélögunum	Framkvæmdastjórar sveitarfélaga og einkaaðilar.	Könnun birt vorið 2008. Minna kostnað og auka tekjur
1.5 Hafin verði markviss leit að iðnfyrirtækjum sem hægt væri að koma á fót á svæðinu eða kaupa og flytja á svæðið.	Framkvæmdastjórar sveitarfélaga Atvest og Iðntæknistofnun.	Sýnileg vinna sem ýtir undir bjartsýni á svæðinu vorið 2008.

**Markmið**

2. Að nýta með markvissum hætti kosti Internetsins sem sóknarfæris.

<b>Leiðir</b>	<b>Ábyrgðaraðili verkefnis</b>	<b>Árangursmarkmið Tímaáætlun</b>
2.1 Að sveitarfélögin beiti áhrifum sínum til að stórbæta Internet- og GSM samband á svæðinu og tryggja viðunandi þjónustu á svæðinu	Framkvæmdastjórar sveitarfélaga og samgönguráðuneyti	100% ISDN aðgengi í sýslunni og ADSL í öllu þéttbýli í árslok 2007. GSM náist á öllum fjallvegum í sýslunni í árslok 2007. Að greiðendum þjónustu verði ekki mismunarð.
2.2 Að efla fjarvinnslufyrirtæki og hefja sókn á sviði fjarvinnslu og gagnaskráningar, með því að fá opinbera aðila til samstarfs um flutning á verkefnum hingað.	Einkaframtak með stuðningi sveitarfélaganna.	Fjölgun verkefna ár frá ári. 5 til 10 störf fyrir 2008.
2.3 Athuga, í samvinnu við lögfræði- og endurskoðunarfyrirtæki að setja á stofn þjónustuskrifstofu.	Einkaframtak með stuðningi sveitarfélaganna.	Opnun skrifstofu í árslok 2007.



<b>Markmið</b>
3. Sveitarfélögin og aðrir fasteignaeigendur vinni að aukinni nýtingu húsnæðis í eigu þeirra með markvissri markaðssetningu.

<b>Leiðir</b>	<b>Ábyrgðaraðili verkefnis</b>	<b>Árangursmarkmið Tímaáætlun</b>
3.1 Markaðssetning íþróttamannvirkja og félagsheimila fyrir æfingabúðir, ráðstefnur og ættarmót.	Framkvæmdastjórar sveitarfélaga verkefnisstjóri atvest	Markaðs- og framkvæmdaáætlun árslok 2007.
3.2 Kannaðir verði möguleikar á nýtingu íbúðarhúsnæðis til frístundanotkunar. s.s. í tengslum við sjóstangveiði og fleira sem svæðið hefur upp á að bjóða.	Framkvæmdastjórar sveitarfélaga, verkefnisstjóri AtVest og einkaaðilar	Sífelld í endurskoðun.

## 5. Eftirfylgni:

Atvinnumálanefndir sveitarfélaganna skulu fylgjast með framvindu á verkefnum stefnumótunarinnar þrisvar á ári, í janúar, apríl og í september og kanna hvernig ábyrgðaraðilar hafa sinnt sínum málum. Kannað skal sérstaklega hvort verkefni séu framkvæmd, hvernig framkvæmd þeirra gengur miðað við tímaáætlun stefnumótunarinnar og hvort endurmeta þurfi tímaramma þeirra. Skal skila skriflegri samantekt í hvert sinn til sveitarstjórna til að tryggja upplýsingaflæði um framkvæmd stefnumótunarinnar.